



UNIVERSITÄTS-
BIBLIOTHEK
PADERBORN

Universitätsbibliothek Paderborn

Linda Mariana, Sive De B. Virgine Lindensi

Clagius, Thomas

Coloniae Vbiorvm, 1659

VI. Secundo à Regia conatu admoto, Area pro erigendo Lindae Marianae sacello obtinetur.

urn:nbn:de:hbz:466:1-11544

tum reddiderit: sequè voluntati nostræ, hac in parte gratificari velle ostenderit. Non deerit occasio, quâ Nos huius studii sui Fidelitas tua, gratos esse agnoscet: quam interim benevalere cupimus. Datum Varsavia die xxx. Mensis Septembris, Anno Domini MDCXVI. Regnorum nostrorum Polonia XXIX. Suecia XXIII.

SIGISMUNDUS REX.

In cassum fuisse has serenissimi Regis literas datas, Sadorscium que non in Æneam, sed in objectam à Grobenio nubem pugnâsse, vel inde constat; quod deinceps, non jam Fitchhausio, sed ipsi Grobenio, plures & vehementiores à Regiis manibus, totaque propè Domo Regia stimuli admoti sint.

CAPUT VI.

Secundo à Regia conatu adhibito, Area pro erigendo Lindæ Marianæ sacello obtinetur.

SECUNDIORES aliquanto videri possunt literæ, secundo loco ab Aula Regia pro Lindæ Marianæ vindiciis datæ; quandoquidem tantum habuere ponderis, ut Aream pro reædificanda postliminio Deiparæ Ædícula obtinuerint. Cæterum, si tum Regiarum Majestatem literarum, tum rei obrentæ magnitudinē attendamus, vix illæ quoque literæ prioribus deprehendentur fuisse secundiores. Quid enim? ad tantæ Regis ac Reginae, ad serenissimi Principis Uladislai, & aliorum in Regia Aula procerum literas, vel potius preces, nihil ampliùs, nisi Aream, pedes circiter 40. longam, & 26. latam, obtineri potuisse! Carò emi, vulgo ajunt, quod precibus ematur: quanti igitur hæc Area empra, quæ supra precibus

precium à Sadorfcio numeratum, tot tantis, talibus-
que ab ipsa Regia precibus fuit emenda ! Ac Sigis-
mundus quidem Rex III. Non. Feb. Anni MDCXVII.
literas, quæ sequuntur, misit.

Generoso Ottoni à Groben, Capitaneo Schackensi Ducatus
Prussia Consiliario terrestri, fideliter Nobis
dilecto

Sigismundus III. DEI gratiâ Rex Polonia, &c.

Generose, fideliter nobis dilecte. Singulari virtute
promptumque de Nobis & Repub. bene merendi studi-
um, Generosi Stephani Sadorfcii Secretarii nostri, sapienter
contestatum, facit, ut rebus ipsius commodisq. quam optime
faveamus. Quapropter, cum fundum quendam, Fidelitatis
tuæ hereditarium, LINDE antiquitus appellatum, se à Fi-
delitate tua, acquirere velle nobis exposuisset, idq. literis
nostris admissus, facilius se consecuturum sperasset; danda
has ad Fidelitatem tuam duximus; velit in hoc negotio,
non difficilem se illi præbere; quin imò voluntati nostræ gra-
tificari, nostrasq. has literas suum pondus obtinuisse delecte-
ret. Rem gratissimam nobis factura est, & benevolentiam
strâ, datâ occasione, rependendam Fidelitas tua. Quam
ne valere cupimus. Datum Varsavia die II. Mensis Feb.
Anno Domini MDCXVII. Regnorum nostrorum Polonia
XXX, Suecia vero XXIII Anno.

SIGISMUNDUS REX.

Eâdem ipsâ die, et jam serenissimus Princeps Ul-
dislaus ad eundem Grobenium sequentem dedi-
it epistolam,

Generoso Ottoni à Groben, Capitulo S. h. ackensi, Ducatus
Prusie Consiliario terrestri, gratè Nobis dilecto

Vladislaus Sigismundus Polonia & Suecie Princeps.

Generose gratè nobis dilecte. Quo animi affectu omnes
bonos complectimur, eodem singularem virtutem ac
promptum de Regia Maestate, ac Nobis bene merendi stu-
dium, generosi Stephani Sadorfii, Secretarii Regie Ma-
iestatis prosequimur. Cupit is quendam locum Grati-
tudinis hereditarium acquirere; & quò commodius id conse-
qui possit, nostram postulavit intercessionem. Diligenter ita-
que à Gratitude tua postulamus; velit, commendationis
nostra causa, eum voti sui compotem facere; atque cum No-
bis, tum illi declarare, nostram apud Grati-
tudinem tuam intercessionem, eum, quem speravit, effectum habuisse. Quo
Nos sibi non mediocriter devinciet Gratitude tua. Quam
bene valere cupimus. Datum Varsaviae II. Febr. Anno Do-
mini MDCXVII.

VLADISLAUS SIGISMUNDUS.

Quid verò hisce Regis ac serenissimi Principis K-
teris perfectum est? Illud nimirum, ut cunctante, at-
que omnes in partes sese adhuc versante Grobenio,
necesse fuerit, & serenissimæ Reginae, & aliorum
apud Aulam Regiam Procerum, amicorumque lite-
ris, hominem invitum atque oblucentem, ad Regias
impelli voluntates. Ac serenissima quidem Regina
ad IV. Idus Martias, hoc est, plus quàm mente inte-
gro, quo Grobenius ad Regias fuerat literas tergi-
versatus, aut potius oblucentatus, Epistolam, quæ sub-
jungitur, misit.

Magni-

Magnifico Domino Ottom à Groben, Capitaneo Schacken-
fi, Ducatus Prussia Consiliario terrestri, sincere &
fideliter Nobis dilecto.

Constantia, DEI grati: à Regina Polonia & Suecia, magna
Dux Lituania, Russia, Prussia, Masovia, Samogitia,
Livoniaque, &c. Nata Archidux Austria.

Generose, fideliter Nobis dilecte. Generosus Stephanus
Sadorsky Regia Maiestatis Secretarius, ob singula-
rem suam probitatem, promptumque cum Regia Maiestati,
tum Nobis ipsis obsequendi studium, Nobis est commenda-
tus. Cuius nomine supplicatum Nobis est, ut partes nostras
interponeremus; quo is commodius fundum quendam, vulgò
LINDE appellatum, à Fidelitate tua, acquirere & emere
possit. Non gravatim sanè id concedendum, dandasque
hasce ad Fidelitatem tuam duximus; ut Nobis hac in par-
te Fidelitas tua, suum testetur studium; ipseque experiatur,
nostram sibi plurimum profuisse intercessionem. Fecerit no-
bis rem gratissimam Fidelitas tua. Quam optime valere
cupimus. Datum Varavia die XI. Mensis Martii, Anno Do-
mini MDCXV II.

CONSTANTIA REGINA.

Jam verò Amicorum & quorundam apud Aulas
Procerum nomine, Jacobus Zadzile (qui tunc ma-
gnum Regni Secretarium agebat; & in eodem mu-
nere constitutus, jam antè in Ducatu Prussiae cum
aliis Legatis, multum pro Ducis & omnium Provin-
ciae Ordinum commodis, in Feudi instauratione la-
borarat; postmodum verò ex magno Regni Cancel-
lario, Episcopus Cracoviensis decelsit) pro ea, quam
cum Grobenio contraxerat, amicitia, paulò acriori-
bus literis, non sua duntaxat in ipsum, verùm & Re-
gis,

gis, & totius Regni in Ducem ac uniuersum Ducatum merita commemorare non dubitavit; ut, vel in unius Lindæ Marianæ restitutione, debitam grati animi testificationem, in uno homine, nomine omnium cæterorum exprimeret. Sic enim ad XIX. Cal. Mart. ejusdem Anni ad Grobenium scripsit.

Magnifico ac Generoso Domino, D. Ottoni von Gröbens
Capitano Schackensi, Amico meo charissimo &
honorando.

Magnifice, ac generose Domine Capitaneæ.

Et si sciam, literas S. R. Maiestatis, serenissimæ Reginae, & Principis nostri, sat ponderis habuisse, ut locum quendam LINDE dictum, Generoso Domino Stephano Sadowsky, S. R. M. Secretarij, ad usum Ecclesie Catholice cederet; dum S. R. Maiestas, serenissima Regina, & serenissimus Princeps, eo id loco acceptabunt, ac si ipsis factum esset: eoque Dominationem vestram, singulari suâ gratiâ & clementiâ dignum iudicabunt. Attamen cum magnificam Dominationem vestram cunctari, & difficultates obtendere intelligam; hæc pro singulari nostra amicitia, ad magnificam Dominationem vestram, dare, eique ostendere volui; non sat causa subesse, cur istud suum obsequendi studium, S. R. Maiestati, & tot serenissimorum intercessionibus denegare voluerit. Est enim res honesta, est res pia, est publicis pactis consentanea. Quæ omnia, etsi ad obsequia faciendâ per se sufficientissima esse possint; tamen magnificam Dominationem vestram, illud movere ante cætera debet; quantum S. R. Maiest. & Ordines Regni, de illustrissimo Principe Electore, & Ducatu Prussie, in primis verò, de nobilitate, juribus, & libertate eorû, meriti sint; quantumq; adhuc indies novis beneficiis ea cumulare possint; quod pro his omnibus nihil desideret, nisi ut grata iis memoria exhiberi possit.

Cum itaq; hoc nomine, tota Respub. vestra, S. R. Maiestati
 & Regno multum debeat, mirarer sanè, si magnifica D. N.
 quam S. R. Maiestas, & Regni Ordines propter virtutes
 & merita sua in Regnum & patriam, benevolentia pro-
 pensissimaq; voluntate complectuntur, maioriq; gratia di-
 gnum iudicat, tam exiguum gratitudinis studium, denegare
 re iis velit; quo ipso & patria, & sibi, suisq;, tantum obli-
 possit, ut serenissimi Regis, sibi haecenus ad dictissimi clemen-
 tissimiq; animum alienationem in posterum reddere queat.
 Quod ego, pro mea parte, qui illustrissimo Electori, Ducati
 tu, & Nobilitati, eorumque Privilegiis, & magnifica D. N.
 semper favi, nunquam evenire cupio; idque ut magnifica
 D. N. sua prudentia, cura, & vigilantia, etiam praecaveret
 velit, magnopere oro & hortor. Erit hoc non postremum, in-
 ter cetera sua in S. R. Maiestatem, Regnum, & patriam
 merita, si in hoc se tot serenissimorum intercessionibus obse-
 quentem exhibuerit. Nam hoc ipso, S. R. Maiestatem, &
 praecipuos Ordines magis magisque sibi devinciet; & se-
 ipsum omni gratia, benignitate, ac remuneratione, apud
 S. R. Maiestatem dignum indicabit: Patria autem sua, & il-
 lustritati, tantum proderit, quantum ipsi sibi polliceri pu-
 runt. Ego vero, & alii Domini Aulae Officiales, omni bene-
 volentia & officiorum testificatione, erga magnificam D. N.
 hoc ipsum compensare non intermitteremus. Quam diu fieri
 cissimè que valere opto, eique mea studia & officia defere-
 Varaviae die XX. mensis Februarii, Anno MDCXVII.

Magnificae Dominationis Vestrae

Amicus ad interveniendum promptissimus

JACOBUS ZADZILE,
 Secret. Regni Polon

Na

Tertio à Regia conatu adiacens sacello fundus acquiritur. 279

Non potuit enim vero, non persentiscere in hisce literis *armatas*, ut vocant, *preces* Grobenius: proinde refragari, aut potius oblectari amplius non potuit, quin *Aream* pro restaurando *Deiparæ* sacrario, non tam precio per *Sadorscium* numerato, quàm serenissimorum Regum, Regiique Principis ac Procerum authoritati tandem cederet.

C A P U T VII.

Tertio à Regia conatu, fundus juxta sacellum *Deiparæ* situs, acquiritur.

MUltum sibi videbatur *Sadorscio*, aut potius *Catholicis* omnibus tribuisse *Otto* à *Groben*, cum *Aream*, quantumvis justo precio venditam, pro restauranda *Æde* sacra attribuit. Neque profectò, aut *Sadorscio*, aut cuiquam alteri *Catholicorum*, tenue videri poterat, quod in tantum magnæ *DEI* *Marris* cultum, ut erat, certò sperabatur cessurum. At enim, cum istiusmodi cultus in fundo alieno, & quidem sub hero fundi à religione orthodoxa averso; omnibus *Prædicantium*, aliorumque sectariorum molitionibus, sannis, atque injuriis, non posset non esse obnoxius; multò amplius *Sadorscio*, quin & ipsi *Antistiti Rudnicio* connitendum erat, ut & fundus ipse, juxta *Aream* jam acquisitam positus, compararetur. Quapropter ad Regem *Sadorscius*, aut potius ipse *Rudnicius* supplex accedit, & literas, quæ sequuntur
II. Non. Mart. Anno MD CXVIII, impetrat,

S

Gene